

## **Madurese - Janjina Alketab - Promises Scriptures**

**Kadaddiyan 20:6 Jehovah laju adhabu pole e dhalem sopennana, "Iya bendher, Sengko' tao ja' ba'na pajat ngala' babine' jareya kalaban ate se berse. Lantaran jareya bi' Sengko' ba'na elang-alange sopaja ta' agabaya dusa ka Sengko', ban Sengko' ba'na ta' ebagi nyedding ka babine' jareya.**

**Kolowaran 35:21,26 ban reng-oreng se akarep laju padha ngeba tor-ator ka PANGERAN se ekaparlo agabaya Kemah Socce. Salaenna jareya reng-oreng jareya ngeba barang se ekaparlo kaangguy kabakteyan ban se ekagabaya pangangguyya imam. 26 Salaenna jareya babine'an gella' mente bennang dhari buluna embi'.**

**Angkana - Etongan 10:35 Sabban Petthe Parjanjiyan jareya egiba mangkat, Mosa adhabu, "Ngereng ngadek, GUSTE; pasalbuddagi mosoepon Junandalem sopaja oreng se baji' ka Junandalem padha'a buru."**

**Olangan 2:25 Molae dhari sateya sa-bangsa e dhimma'a bai bi' Sengko' epatako'a ka ba'na. Sapa'a bai bakal ngeterra katako'an mon ngedithing nyamana ba'na.' "**

**Olangan 9:3 Tape sateya ba'na bakal nangaleyana dibi' GUSTE Jehovahna ba'na alomampa e adha'anna ba'na aropa apoy se rabak. Ba'na bakal nangaleyana dibi' Salerana makala'a reng-oreng jareya, sampe' ba'na bisa ceppet ngojuk ban matompes reng-oreng jareya akantha se ejanjiyagi PANGERAN.**

**Yusak 2:9 pas ngoca' ka se kadhuwa jareya, "Kaula oneng ja' nagara paneka sareng PANGERAN ampon eparengngagi ka sampeyan. Oreng e ka'dhinto padha tako' ka sampeyan.**

**1 Samuwel 17:48,50/ 51 Goliat molae ajalan nyemma'e Daud pole, ban Daud duli berka' ka barisanna oreng Filistin ngadhebbana Goliat jareya. 50/ 51 Daud berka' pas manjeng e seddi'na Goliat; peddhingga Goliat esendhal, pas eonos dhari barangkana, terros epangetthok le'erra oreng Filistin jareya. Daddi Daud makala ban mate'e Goliat, pera' ngangguy dhibal ban bato. E bakto nangale'e ja' jagona la mate, oreng Filistin padha buru kabbi.**

**Ester 8:17 Bariya keya e saneyap kottha ban propinsi, e dhimma'a bai sorat parentana rato jareya ebaca'agi, reng-oreng Yahudi anga-bunga, neng-sennengangan ban apesta. La'-mala' bannya' e antarana ra'yat se laju maso' daddi bangsa Yahudi polana padha tako' ka bangsa jareya.**

**Ayyub 29:14 Sengko' jujur tadha' calena, sengko' adil salanjangnga.**

**Parompama'an - Bangsalan 13:11 Kasogiyen se gampang ekaolle gampang keya elangnga; tape arta se epakompol gan sakone' sajan abit sajan**

bannya'.

**Parompama'an - Bangsalan 13:22** **Oreng becce' nyangkollagi kasogiyen ka na'**  
**potona; artana oreng dusa esempen kaangguy oreng se loros odhi'na.**

**Parompama'an - Bangsalan 22:22,23** **Ja' marogi oreng mesken, pera' lantaran**  
**oreng mesken jareya ta' andhi' kakowadan; ban mon e pangadilan ja' nyek-**  
**ngenyeck oreng se ta' bisa apa-rapa. 23 Sabab PANGERAN bakal nolongana**  
**reng-oreng jareya e dhalem parkarana, ban bakal nyabuda nyabana oreng**  
**se nendhes reng-oreng jareya.**

**Yesaya 35:8** **E jadhiya bakal badha'a lorong raja, nyamana "Lorong se nojju**  
**ka kasalameddan". Oreng dusa ta' kera lebat e jadhiya, oreng budhu ta'**  
**kera maposang oreng se lebat.**

**Yesaya 43:2** **Mon ba'na lebat e aeng otaba songay, bi' Sengko' ebarengngana,**  
**ba'na ta' kera tasellem e dhalem kasossa'anna. Mon ba'na lebat e apoy, ta'**  
**kera ekello', ta' kera calaka' polana coba se ra'-berra'.**

**Yesaya 49:25** **PANGERAN ajawab, "Jareya se bakal kadaddiyana. Tawananna**  
**para pahlawan bakal erebbu'a pole, barang rampasanna oreng kejjem**  
**bakal ekala'a pole. Sabab Sengko' dibi' se amoso ban mosona ba'na;**  
**Sengko' masalamedda na'-ana'na ba'na.**

**Yesaya 54:17** **Tape saneyap sanjata se etempa kaangguy merrange ba'na ta'**  
**kera ahasel. Ban sapa'a bai se agugat ba'na e pangadilan bi' ba'na bakal**  
**ebukteyagiya salana. Tang di-abdi kabbi bi' Sengko' epamennanga," jareya**  
**dhabuna PANGERAN.**

**Yesaya 59:17,19** **Salerana ngagem kaadilan ban kasalameddan menangka**  
**rasogan besse ban topi baja. Salerana la nekat mabaliya kabadha'an**  
**akantha asalla ban malessa kata'adilan. 19 Kobasana ban kaagunganna**  
**bakal ekatako'ana sakabbinna oreng dhari temor sampe' ka bara'.**  
**Pangeran bakal rabuwa akantha songay se raja ban santer lantaran angen**  
**raja.**

**Yesaya 61:10** **Yerusalim ngoca', "Sengko' perak lantaran PANGERAN, Tang**  
**ate gumbira polana Jehovah. Akantha pangantan lake' ban bine' se**  
**ngangguy pareyasan se gus-bagus, bariya keya sengko' bi' Pangeran**  
**epangangguy kalambi kasalameddan ban kamennangan.**

**Hizkiyel - Yehezkiel 22:30** **E antarana oreng Isra'il jareya Sengko' nyare oreng**  
**se bisa maddek geddhung, otabana se bisa manjeng e ngan-kennengngan**  
**se dhung-geddhungnga gujur kaangguy masalamet nagara jareya mon bi'**  
**Sengko' epaancora e bakto Tang ate ce' peggella, tape sengko' ta' nemmo**  
**settonga balakka'.**

**Hizkiyel - Yehezkiel 45:8** **Tana jareya daddi andhi'na pangobasa se marenta e**  
**tana Isra'il, sopaja ta' nendhes Tang ommat pole, tape mala' magi dhaera**  
**karena jareya epadaddi andhi'na ku-suku Isra'il.**

**Daniyel 4:16** **Dina akkalla manossana me' olle aoba daddi akkalla keban**

**pettong taon abidda.**

**Daniyel 7:4 Se nomer settong robana akantha macan, tape andhi' kalembang akantha mano' garudha. E bakto bi' sengko' eabas, o-tao kalembangnga locot; keban jareya taangka' dhari tana, pas epamanjeng e sokona se dhadhuwa' akantha manossa, sarta pas eberri'i akkalla manossa.**

**Zakharia 4:6 Malaekat jareya makon sengko' manapa' pessenna PANGERAN ka Zerubabil kantha reya, "Ba'na bakal ahasela banne kalaban kakowadanna militer ban banne kalaban kakowadanna ba'na dibi', tape kalaban Tang Erroh.**

**Matiyus 24:22 Ja' sakenga Jehovah ta' mapandha' bakto jareya; ta' kera badha oreng se salamet. Tape polana ommadda Jehovah mapandha' bakto jareya.**

**Matiyus 26:41 Mara, ra, aga-jaga ban nyo'on ka Jehovah sopaja ba'na ja' sampe' ekenneng coba. Pajat errohna ba'na endha' ajalannagi barang se bendher tape ba'na ta' bisa, sabab tabi'adda manossa reya ta' kowat."**

**Markus 10:48-52 Oreng buta jareya egigiri bi' oreng sabannya'na, esoro neng-enneng. Tape oreng jareya la'-mala' aera' sajan kaja, "Pottrana Daud, kaneserre abdidalem!" 49 Isa ambu laju adhabu, "Kassa' olok oreng rowa!" Daddi oreng buta jareya eolok. "Mara neng-enneng," ca'na reng-oreng jareya. "Ba'na edikane, mara jaga!" 50 Oreng buta jareya melpallagi jubana, pas duli manjeng laju nyander ka Isa. 51 "Apa se epenta'a ba'na ka Sengko'?" dhabuna Isa. Saodda oreng buta gella', "Guru, abdidalem terro nengalana pole." 52 "Kassa' mole," ca'na dhabuna Isa. "Ba'na baras polana ba'na parcaja." Sanatkala jareya keya oreng buta jareya laju nangale'e sarta pas ngereng Isa ka lorong. (Matiyus 20:30-34)**

**Markus 16:20 Red-moredda entar man-dha'emman mabalattra kabar dhari Jehovah. Ban Pangeran noro' ngastane lalakon jareya abareng ban red-moredda jareya ban abukteyagi kalaban kaajiban-kaajiban ja' kabar se eberta'agi red-moredda jareya teppa'.**

**Lukas 14:23 Daddi lorana jareya ngoca', 'Kassa' entar ka rong-lorong e lowar kottha, paksa reng-oreng soro dhateng, me' olle tang bengko possa'.**

**Lukas 21:15 Sengko' dibi' se mala'ana ba'na ca'-oca' ban kabicaksana'an, sampe' tadha' settonga mosona ba'na se bisa'a alaban otaba nyala'agi apa se ekoca'agi ba'na.**

**Lukas 21:36 Aga-jaga, ban adu'a terros, me' olle ba'na kellar ngadhebbi sabarang se bakal kadaddiyana ban ba'na bisa ngadhep Pottrana Manossa."**

**Yahya 17:15 Abdidalem ta' nyo'on sopaja Junandalem mond hut reng-oreng gapaneka dhari dunnya; Abdidalem namong nyo'ona sopaja reng-oreng gapaneka sareng Junandalem ejaga'a dhari se Jahat**

**Caretana Para Rasul 11:23 Sanapa'na Barnabas ka jadhiya, ban nangale'e**

**baramma Jehovah aberkadi reng-oreng e jadhiya, atena ce' peragga. Reng-oreng jareya laju ebala sopaja esto onggu ka Jehovah.**

**Caretana Para Rasul 13:48 E bakto reng-oreng bangsa laen se banne Yahudi ngedhing oca' jareya, kabbi padha perak, laju padha ngagungngagi dhabuna Pangeran. Ban reng-oreng se bi' Jehovah la etantowagi olleya odhi' se saongguna ban langgeng laju padha parcaya.**

**1 Korintus 10:13 Saneyap coba se ealame sampeyan ganeka coba se kappra ealame manossa. Namong Jehovah esto ka janjina. Salerana ta' kera nyoba' sampeyan ngalebbi'i kakowadanna. E bakto sampeyan ecoba, Salerana tanto marenge sampeyan jalan sopaja sampeyan kowat ban ta' kantos kala.**

**1 Korintus 16:9 E ka'iya bannya' kasempadan kaangguy kon-lalakon se aguna, maske bannya' jugan oreng se nolak.**

**2 Korintus 12:9 Nangeng Pangeran adhabu, "Sengko' taresna ka ba'na, ban jareya cokop monggu ka ba'na; sabab Tang kobasa kowat mon ba'na badha e dhalem kabadha'an ta' andhi' kakowadan." Ganeka sababba kaula asennengngan ngedirragi kakorangan-kakorangan kaula, sabab mon kaula ta' gadhuwan kakowadan, e bakto ganeka kaula arassa ja' Almasih ngaobi kaula sareng kakowadanna Salerana.**

**Efesus 6:11 Agem sadajana pakakas perrang se eparengngagi Jehovah ka sampeyan, sopaja sampeyan bisa kowat ngadhebbi akkalla Iblis se juba'.**

**Ibrani 1:7,14 Parkara kat-malaekadda Jehovah adhabu sapaneka, "Bi' Jehovah kat-malaekadda epadaddi angen, dineng din-pangladinna epadaddi apoy." 14 Manabi sapaneka, kat-malaekat gapaneka ponapa sabendherra? Kat-malaekat ganeka roh-erroh se aladine Jehovah, ban se epakon Jehovah nolonge reng-oreng se narema'a kasalameddan.**

**Yakobus 4:7 Daddi tore pata'at ka Jehovah, laban Iblis; tanto Iblis ganeka buru dhari sampeyan.**

**1 Petrus 5:10 Tape saamponna sampeyan nanggung kasossa'an sakejja', sareng Jehovah sampeyan bakal epasamporna'a. Sampeyan bakal epamanjengnga ban eparengngana kakowadan sarta epakokowa. Sabab Jehovah paneka sae, sareng se ampon nembali sampeyan sopaja noro'a ngarassa'agi kamolja'anna se langgeng kalaban parantara'anna Almasih.**